

無量壽經優婆提舍願生偈

## 凡例

- (一) 底本は義山校本（『浄土宗全書』第一卷所収『往生論註』二卷）とした。
- (二) 漢字表記については、よく使用される一般的な旧字とした。
- (三) 偈文についてのみ音読を附した。また、表記については今日の読みならわしに従った。

無量壽經優婆提舍願生偈

婆藪般頭菩薩造後魏菩提流支譯

世尊我一心歸命盡十方無礙光如來

願生安樂國我依修多羅眞實功德相

說願偈總持與佛教相應觀彼世界相

勝過三界道究竟如虛空廣大無邊際

正道大慈悲出世善根生淨光明滿足

如鏡日月輪備諸珍寶性具足妙莊嚴

無む垢く光こう炎えん熾し

明みょう淨じょう曜よう世せ間けん

寶ほう性しょう功く德どく艸そう

柔にゅう軟なん左さ右う旋せん

觸そく者しゃ生しょう勝しょう樂らく

過か迦か旃せん隣りん陀だ

寶ほう華け千せん萬まん種じゆ

彌み覆ふ池ち流る泉せん

微み風ふう動どう華け葉よう

交きょう錯しゃく光こう亂らん轉でん

宮くう殿でん諸しよ樓ろう閣かく

觀かん十じつ方ぽう無む礙げ

雜ぞう樹じゆ異い光こう色しき

寶ほう欄らん徧へん圍に繞にやう

無む量りやう寶ほう交きやう絡らく

羅ら網もう徧へん虛こ空くう

種しゆ種じゆ鈴りやう發ほつ響こう

宣せん吐と妙みやう法ほう音おん

雨う華け衣え莊しょう嚴ごん

無む量りやう香かう普ふ熏くん

佛ぶつ慧て明みやう淨じやう日にち

除じよ世せ癡ち闇あん冥みやう

梵ぼん聲じやう悟ご深じん遠のん

微み妙みやう聞もん十じつ方ぽう



正覺阿彌陀

法王善住持

如來淨華衆

正覺華化生

愛樂佛法味

禪三昧爲食

永離身心惱

受樂常無間

大乘善根界

等無譏嫌名

女人及根欵

二乘種不生

衆生所願樂

一切能滿足

是故願生彼

阿彌陀佛國

無量大寶王

微妙淨華臺

相好光一尋

色像超羣生

如來微妙聲

梵響聞十方

同地水火風

虛空無分別

天人不動衆

清淨智海生

如須彌山王

勝妙無過者

天人丈夫衆

恭敬繞瞻仰

觀佛本願力

遇無空過者

能令速滿足

功德大寶海

安樂國清淨

常轉無垢輪

化佛菩薩日

如須彌住持

無垢莊嚴光

一念及一時

普照諸佛會

利益諸羣生

雨天樂華衣

妙香等供養

讚諸佛功德

無有分別心

何等世界無

佛法功德寶

我が願がん皆かい往おう生じょう

示じ佛ぶつ法ぼう如にょ佛ぶつ

我が作さ論ろん說せつ偈げ

願がん見けん彌み陀だ佛ぶつ

普ふ共ぐ諸しよ衆じゆう生じょう

往おう生じょう安あん樂らく國こく

無量壽修多羅章句我以偈誦總說竟

論曰此願偈明何義示現觀彼安樂世界見

阿彌陀如來願生彼國故云何觀云何生信

心若善男子善女人修五念門行成就畢竟

得生安樂國土見彼阿彌陀佛何等五念門

一者禮拜門二者讚歎門三者作願門四者

觀察門五者迴向門云何禮拜身業禮拜阿  
彌陀如來應正徧知爲生彼國意故云何讚  
歎口業讚歎稱彼如來名如彼如來光明智  
相如彼名義欲如實修行相應故云何作願  
心常作願一心專念畢竟往生安樂國土欲  
如實修行奢摩他故云何觀察智慧觀察正  
念觀彼欲如實修行毗婆舍那故彼觀察有  
三種何等三種一者觀察彼佛國土莊嚴功

德二者觀察阿彌陀佛莊嚴功德三者觀察  
彼諸菩薩莊嚴功德云何迴向不捨一切苦  
惱衆生心常作願迴向爲首得成就大悲心  
故云何觀察彼佛國土莊嚴功德彼佛國土  
莊嚴功德者成就不可思議力故如彼摩尼  
如意寶性相似相對法故觀察彼佛國土莊  
嚴功德成就者有十七種應知何等十七一  
者莊嚴清淨功德成就二者莊嚴量功德成

就三者莊嚴性功德成就四者莊嚴形相功德成就五者莊嚴種種事功德成就六者莊嚴妙色功德成就七者莊嚴觸功德成就八者莊嚴三種功德成就九者莊嚴雨功德成就十者莊嚴光明功德成就十一者莊嚴妙聲功德成就十二者莊嚴主功德成就十三者莊嚴眷屬功德成就十四者莊嚴受用功德成就十五者莊嚴無諸難功德成就十六

者莊嚴大義門功德成就十七者莊嚴一切  
所求滿足功德成就莊嚴清淨功德成就者  
偈言觀彼世界相勝過三界道故莊嚴量功  
德成就者偈言究竟如虛空廣大無邊際故  
莊嚴性功德成就者偈言正道大慈悲出世  
善根生故莊嚴形相功德成就者偈言淨光  
明滿足如鏡日月輪故莊嚴種種事功德成  
就者偈言備諸珍寶性具足妙莊嚴故莊嚴

妙色功德成就者偈言無垢光炎熾明淨曜  
世間故莊嚴觸功德成就者偈言寶性功德  
艸柔輒左右旋觸者生勝樂過迦旃隣陀故  
莊嚴三種功德成就者有三種事應知何等  
三種一者水二者地三者虛空莊嚴水功德  
成就者偈言寶華千萬種彌覆池流泉微風  
動華葉交錯光亂轉故莊嚴地功德成就者  
偈言宮殿諸樓閣觀十方無礙雜樹異光色



寶欄徧圍繞故莊嚴虛空功德成就者偈言  
無量寶交絡羅網徧虛空種種鈴發響宣吐  
妙法音故莊嚴雨功德成就者偈言雨華衣  
莊嚴無量香普熏故莊嚴光明功德成就者  
偈言佛慧明淨日除世癡闇冥故莊嚴妙聲  
功德成就者偈言梵聲悟深遠微妙聞十方  
故莊嚴主功德成就者偈言正覺阿彌陀法  
王善住持故莊嚴眷屬功德成就者偈言如

來淨華衆正覺華化生故莊嚴受用功德成  
就者偈言受樂佛法味禪三昧爲食故莊嚴  
無諸難功德成就者偈言永離身心惱受樂  
常無間故莊嚴大義門功德成就者偈言大  
乘善根界等無譏嫌名女人及根欽二乘種  
不生故淨土果報離二種譏嫌過應知一者  
體二者名體有三種一者二乘人二者女人  
三者諸根不具人無此三過故名離體譏嫌

名亦有三種非但無三體乃至不聞二乘女人諸根不具三種名故名離名譏嫌等者平等一相故莊嚴一切所求滿足功德成就者偈言衆生所願樂一切能滿足故略說彼阿彌陀佛國土十七種莊嚴功德成就示現如來自身利益大功德力成就利益他功德成就故彼無量壽佛國土莊嚴第一義諦妙境界相十六句及一句次第說應知云何觀佛

莊嚴功德成就觀佛莊嚴功德成就者有八種相應知何等八種一者莊嚴座功德成就二者莊嚴身業功德成就三者莊嚴口業功德成就四者莊嚴心業功德成就五者莊嚴大衆功德成就六者莊嚴上首功德成就七者莊嚴主功德成就八者莊嚴不虛作住持功德成就何者莊嚴座功德成就偈言無量大寶王微妙淨華臺故何者莊嚴身業功德

成就偈言相好光一尋色像超羣生故何者  
莊嚴口業功德成就偈言如來微妙聲梵響  
聞十方故何者莊嚴心業功德成就偈言同  
地水火風虛空無分別故無分別者無分別  
心故何者莊嚴大衆功德成就偈言天人不  
動衆清淨智海生故何者莊嚴上首功德成  
就偈言如須彌山王勝妙無過者故何者莊  
嚴主功德成就偈言天人丈夫衆恭敬繞瞻

仰故何者莊嚴不虛作住持功德成就偈言  
觀佛本願力遇無空過者能令速滿足功德  
大寶海故卽見彼佛未證淨心菩薩畢竟得  
證平等法身與淨心菩薩與上地諸菩薩畢  
竟同得寂滅平等故略說八句示現如來自  
利利他功德莊嚴次第成就應知云何觀察  
菩薩莊嚴功德成就觀察菩薩莊嚴功德成  
就者觀彼菩薩有四種正修行功德成就應

知何者爲四一者於一佛土身不動搖而徧  
十方種種應化如實修行常作佛事偈言安  
樂國清淨常轉無垢輪化佛菩薩日如須彌  
住持故開諸衆生淤泥華故二者彼應化身  
一切時不前不後一心一念放大光明悉能  
徧至十方世界教化衆生種種方便修行所  
作滅除一切衆生苦故偈言無垢莊嚴光一  
念及一時普照諸佛會利益諸羣生故三者

彼於一切世界無餘照諸佛會大衆無餘廣  
大無量供養恭敬讚歎諸佛如來功德偈言  
雨天樂華衣妙香等供養讚諸佛功德無有  
分別心故四者彼於十方一切世界無三寶  
處住持莊嚴佛法僧寶功德大海徧示令解  
如實修行偈言何等世界無佛法功德寶我  
願皆往生示佛法如佛故又向說觀察莊嚴  
佛土功德成就莊嚴佛功德成就莊嚴菩薩



功德成就此三種成就願心莊嚴應知略說  
入一法句故一法句者謂清淨句清淨句者  
謂真實智慧無爲法身故此清淨有二種應  
知何等二種一者器世間清淨二者衆生世  
間清淨器世間清淨者如向說十七種莊嚴  
佛土功德成就是名器世間清淨衆生世間  
清淨者如向說八種莊嚴佛功德成就四種  
莊嚴菩薩功德成就是名衆生世間清淨如

是一法句攝二種清淨義應知如是菩薩奢  
摩他毗婆舍那廣略修行成就柔輭心如實  
知廣略諸法如是成就巧方便迴向何者菩  
薩巧方便迴向善薩巧方便迴向者謂說禮  
拜等五種修行所集一切功德善根不求自  
身住持之樂欲拔一切衆生苦故作願攝取  
一切衆生共同生彼安樂佛國是名菩薩巧  
方便迴向成就菩薩如是善知迴向成就卽

能遠離三種菩提門相違法何等三種一者  
依智慧門不求自樂遠離我心貪著自身故  
二者依慈悲門拔一切衆生苦遠離無安衆  
生心故三者依方便門憐愍一切衆生心遠  
離供養恭敬自身心故是名遠離三種菩提  
門相違法菩薩遠離如是三種菩提門相違  
法得三種隨順菩提門法滿足故何等三種  
一者無染清淨心以不爲自身求諸樂故二

者安清淨心以拔一切衆生苦故三者樂清  
淨心以令一切衆生得大菩提故以攝取衆  
生生彼國土故是名三種隨順菩提門法滿  
足應知向說智慧慈悲方便三種門攝取般  
若般若攝取方便應知向說遠離我心不貪  
著自身遠離無安衆生心遠離供養恭敬自  
身心此三種法遠離障菩提心應知向說無  
染清淨心安清淨心樂清淨心此三種心略

一處成就妙樂勝真心應知如是菩薩智慧  
心方便心無障心勝真心能生清淨佛國土  
應知是名菩薩摩訶薩隨順五種法門所作  
隨意自在成就如向所說身業口業意業智  
業方便智業隨順法門故復有五種門漸次  
成就五種功德應知何者五門一者近門二  
者大會衆門三者宅門四者屋門五者園林  
遊戲地門此五種門初四種門成就入功德

第五門成就出功德入第一門者以禮拜阿彌陀佛爲生彼國故得生安樂世界是名入第一門入第二門者以讚歎阿彌陀佛隨順名義稱如來名依如來光明智相修行故得入大會衆數是名入第二門入第三門者以一心專念作願生彼修奢摩他寂靜三昧行故得入蓮華藏世界是名入第三門入第四門者以專念觀察彼妙莊嚴修毗婆舍那故

得到彼處受用種種法味樂是名入第四門  
出第五門者以大慈悲觀察一切苦惱衆生  
示應化身迴入生死園煩惱林中遊戲神通  
至教化地以本願力迴向故是名出第五門  
菩薩入四種門自利行成就應知菩薩出第  
五門迴向利益他行成就應知菩薩如是修  
五念門行自利利他速得成就阿耨多羅三  
藐三菩提故無量壽修多羅優婆提舍願生

偈略解義竟

無量壽經優婆提舍願生偈